

## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

70. Philemon histrio comoedias exhibet sat lasciuas; quas tamen  
permittendo solùm ad maius malum euitandum non peccat Magistratus:  
nec etiam qui intersunt ob solam curiositatem: nec denique ijdem ...

**urn:nbn:de:hbz:466:1-40942**

LXX. Philemon histrio comedias exhibet vanis modis sat lasciuas, & tamen permittit Magistratus, ac frequens accurrit populus ad spectandum. Queritur. 1. Vtrum Magistratus peccet permittendo? 2. Vtrum peccent spectatores? 3. Si aliqui non peccent ratione periculi, vtrum saltem delinquent ratione scandali, quatenus Philemonem & ceteros histriones ad turpia exhibenda excitant?

Videtur peccare mortaliter Magistratus permittendo. Ita Mendoza de Spe & Charit. D. 173. §. 377. Ratio est, quia malum publicum permitti non potest, nisi intuitu alicuius deterioris euitandi, quod in proposito non accidit. Ipsos etiam spectatores grauiter peccare, docet idem Auth. D. cit. §. 367. quia pretio suo histriones in malo suo statu fouent, alunt, conseruant; esto alias ex parte ipsorum spectatorum nullum adsit periculum.

Resp. 1. Magistratum non peccare, si solum permittat histriones ad aliquod tempus maioris alicuius mali euitandi gratiam. Ita Baldellus Tom. I. l. 3. D. 18. n. 13. Ratio est, quia permissio haec in finem licitum (euitandam scil. maiorem populi licentiam) est solum tolerantia, qualis etiam habetur circa meretrices; nec enim approbatur, quod hoc modo toleratur. cap. Mereir. 34. q. 4. Resp. 2. eos, qui intersunt comedis ob solam curiositatem vanam, non peccare mortaliter, etiam si re-  
præsen-

Selectorum Casuum Conscientia. 569

præsententur res turpes. Ita Bonacina de Marr.  
q. 4. pun. 9. n. 21. post Sanchez, Filliuc. & alios,  
vt ait, communiter. Ratio est, quia, vt sup-  
ponitur, abest periculum lapsūs: & delectatio  
non transit in rem repræsentatam. Resp. 3.  
Eodem spectatores nō peccare ratione scan-  
dali. Ita Baldellus loc. cit. n. 11. Bardt in select.  
l. 9. q. 2. f. 15. n. 5. Ferrandinus de scandale. D. 1.  
q. 64. n. 36. & alij apud Dianam tum alibi, tū  
P. 11. Tr. 5. Resol. 52. Prob. hāc fundamentali  
ratione. Quicunque non influunt & nō cau-  
sant ruinam proximi, non committunt pec-  
catum scandali actiui, vt consentiunt omnes,  
& patet ex definitione scandali actiui, quod  
ex S. Thoma 2. 2. q. 43. art. 1. D. Hieron. &  
Glossa Matth. 18. definitur opus minus rectum  
prebens proximo occasionem ruine scil: influen-  
do in hanc & causando eam. At qui spectato-  
res soluendo pretium histrionibus non influ-  
unt in ipsorum actiones & verba turpia. Er-  
go &c. Prob. Min. Quandocunque malum  
aliquid ab altero iam omnino ad illud parato  
petitur, tunc nō sit influxus, nec datur causa  
illius mali à petente, vt præter citatos docent  
Suarez Tom. 4. in 3. part. D. 22. f. 4. n. 18. vbi  
ait, non adesse circumstantiam scandali, si  
petas ab omnino parato, & Palao Tr. 6. D. 6.  
p. 10. n. 3. Sed Philemon eiusque socij histro-  
nes sunt omnino parati ad exhibendas co-  
mœdias. Ergo auditores non influunt & non  
causant

N. 5

causant

causant actiones eorum malas, sed perinde se  
habent, ac si dicerent ad histriones illos; non  
cupimus, ut vestras exhibeatis comedias sat  
obscenæ, si tamen ex hypothesi & ultraneâ  
mentis determinatione exhibituri sitis, siue  
hac stante conditione, quod exhibere illas  
intendatis omnino iam determinati, hanc of-  
ferimus pecuniam, ut locum ad videndum  
concedatis. Atque sic etiam patet ad rationes  
in contrarium.

LXXI. Polychronius vir nobilis & pius lega-  
vit p̄s locis omnes annuos redditus per decennium  
ex Iurisdictionibus A. & B. cum obligatione Missæ  
perpetuae. Istæ Iurisdictiones vindicantur alteri  
domino. Quæritur. Quid fiat hoc legato? An ha-  
res alioquin diues ex alijs hæreditatis bonis satis-  
facere teneatur?

Videtur hæres non teneri. Tum quia lega-  
tum rei alienæ, quam testator ignorabat esse  
alienam, non valet, ut universim docet Co-  
uatt. in C. filius noster. n. 4. aut saltem, nisi le-  
gatarius sit persona coniuncta v. g. Vxor vel  
Consanguineus, ut cum plerisque alijs docet  
Dicastillo de Iust. L. 2. Tr. 19. D. 2. n. 118. At-  
qui præseus legatum est rei alienæ ignorata,  
nec sit personæ coniunctæ. Ergo &c. Tum  
quia quandocunque res, vnde præstatio lega-  
ti fieri debet, ponitur in eadem oratione, &  
non in diversa, tunc deficiente re illâ, deficit  
eiusdem dispositio per legatum, & demon-  
stratio